

Na osnovu člana 57.stav (1) Zakona o zaštiti ličnih podataka Bosne i Hercegovine („Službeni glasnik BiH”, broj: 12/25), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Sl. Novine Kantona Sarajevo” br.:27/24) i Pravila JU “Deveta osnovna škola” Ilidža, Školski odbor na 58. (pedesetosmoj) sjednici održanoj dana, 27.12.2025. godine, donosi

PRAVILNIK O SISTEMU VIDEONADZORA U JU “DEVETA OSNOVNA ŠKOLA” ILIDŽA

Član 1.

Pravilnikom o sistemu videonadzora u JU “Deveta osnovna škola” Ilidža (u daljnjem tekstu: Pravilnik) bliže se određuje uspostava, pravni osnov, svrha, upotreba sistema videonadzora u prostorijama škole i u dvorištu škole i opseg podataka.

Član 2.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za sistem videonadzora definišu se ovim Pravilnikom.

Član 4.

Zakon o zaštiti ličnih podataka Bosne i Hercegovine („Službeni glasnik BiH”, broj: 12/25) - član 57. predviđa uspostavu sistema videonadzora.

Član 5.

Svrha uspostavljanja sistema videonadzora u JU “Deveta osnovna škola” Ilidža jeste:

- neophodna optimizacija sigurnosti učenika, zaposlenika, roditelja i posjetioca škole, u toku nastavnog procesa u prostoru škole i školskog dvorišta;
- sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i praznici, periodi kolektivnih godišnjih odmora).

Član 6.

Videonadzorom mogu biti obuhvaćeni samo prostori ili dijelovi prostora čiji je nadzor nužan radi postizanja svrhe iz stava (1) člana 57 Zakona o zaštiti ličnih podataka.

Član 7.

Sistem videonadzora škole obuhvata ukupno 18 kamera, te uređaj za pohranu videozapisa i administriranje sistemom. Unutrašnjih kamera je 10 (8 u prizemlju, 2 na spratu), vanjskih kamera je 8. Nadzorne kamere imaju IR noćno snimanje i osjetljive su na pokret.

Član 8.

Uređaj za pohranu videozapisa deponuje i arhivira videozapise minimalno 2 sedmice, nakon čega se isti automatski brišu.

Član 9.

Unutrašnje kamere pokrivaju hol, hodnike i komunikacijske koridore unutar škole.

Vanjske kamere pokrivaju: dvorište škole, sve kapije – ulaze u dvorište, igralište škole, te ulaze u zgradu.

Član 10.

Na ulazu u školu i oko školskog dvorišta postavljaju se vidljivi znaci obavijesti: PAŽNJA - OBJEKAT POD VIDEONADZOROM. Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

Član 11.

Uređaj za snimanje i administratorski centar sistema videonadzora nalazi se u kancelariji direktora, u zaključanom ormariću. Ključ ormarića dostupan je direktoru škole i licu koje direktor za to ovlasti.

Direktor škole može ovlastiti i druga lica da imaju pristup administraciji sistema videonadzora škole u svojstvu kontrolora, kada direktor nije prisutan u školi.

Član 12.

Kontrolor sistema videonadzora jeste direktor škole kao odgovorno lice.

Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa Zakonom o zaštiti ličnih podataka Bosne i Hercegovine.

Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

Član 13.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 14.

Monitoring u realnom vremenu nad videonadzorom imaju i druga lica koja ovlasti direktor škole.

Član 15.

U skladu sa članom 57. Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

Snimci pohranjeni putem videonadzora na određenom prostoru na osnovu kojih se može identificirati nosilac podataka predstavljaju zbirku ličnih podataka.

Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.

Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru

Direktor, kao ni bilo koja druga osoba, ne smije koristiti podatke o osobama prikupljene sistemom videonadzora zaštite izvan njihove zakonske namjene, a raspolaganje snimkama dopušteno je samo direktoru škole.

Član 16.

Evidencija nad zbirkom ličnih podataka u smislu tehničke izvedbe sistema videonadzora (arhivski videozapisi) definiše se Zakonom o zaštiti ličnih podataka Bosne i Hercegovine.

Član 17.

Ovaj Pravilnik podrazumijeva poštivanje člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika.

Član 18.

Izmjene i dopune ovog Pravilnika vršit će se prema proceduri donošenja istog.

Član 19.

Ovaj Pravilnik stupa na snagu osmog dana od dana objave na oglasnoj ploči Škole.

Broj: 01-1- 1526/25

Rakovica, 29.12.2025. godine



Predsjednica Školskog odbora

/Čavčić Mediha/